



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

23 MEI 2022 (ISNIN)



KEMENTERIAN PERDAGANGAN DALAM NEGERI
DAN HAL EHRAK, PENGGUNA

KERATAN AKHBAR DAN MEDIA ONLINE (KPDNHEP)

23 MEI 2022 (ISNIN)

PM segerakan mesyuarat Kabinet, bincang kos sara hidup

Oleh **JUANI MUNIR ABU BAKAR**
dan **AHMAD FADHLULLAH**
ADNAN

KUALA LUMPUR: Kos sara hidup dan bekalan barang menjadi dua fokus yang dibincangkan dalam mesyuarat Kabinet yang dipercepat ke hari ini.

Perdana Menteri, Datuk Seri Ismail Sabri Yaakob meminta mesyuarat itu dipercepat kerana banyak isu melanda negara khususnya kos sara hidup yang dijangka meningkat kesan masalah global sejak kebelakangan ini.

Kementerian Pertanian dan Industri Makanan dan Kementerian Perdagangan Dalam Negeri dan Hal Ehwal Pengguna diminta membentangkan perancangan jangka pendek dan panjang dalam mesyuarat tersebut.

"Penawaran bahan makanan mungkin terjejas teruk khususnya gandum kerana satu pertiga bekalan dikeluarkan dari Rusia dan Ukraine serta beberapa negara menyekat eksport untuk kegunaan mereka. Sudahlah sebelum kita ini dilanda pandemik.

"Jadi daripada teori ekonomi jika permintaan lebih penawaran, tentu harga meningkat.

"Jadi Isnin (hari ini) saya panggil mesyuarat Kabinet khusus bagaimana hendak kita mengimbangi kenaikan harga barang yang mendadak ini," katanya.

Bersambung di muka 2

PM segerakan mesyuarat Kabinet, bincang kos sara hidup

Dari muka 1

Lazimnya, mesyuarat mingguan Kabinet berlangsung setiap Rabu manakala hari Jumaat pula sepanjang Sidang Dewan Rakyat berlangsung.

Dalam pada itu, Ismail Sabri berkata, kerajaan sedang mengkaji untuk menghapuskan lebih banyak lesen import (AP) selain makanan bagi mengurangkan tekanan akibat kekurangan bekalan.

Beliau berkata, malah langkah itu secara tidak langsung dapat mengurangkan harga barangan.

"Saya dah umumkan AP dihapuskan, saya melihat kemungkinan lebih banyak AP sedang dikaji untuk dihapuskan.

"Kita berharap apabila AP dihapuskan, sekurang-kurangnya dapat mengurang-

kan tekanan daripada kekurangan supply (penawaran) jika banyak pihak terlibat terlibat, harga mungkin dapat dikurangkan. Tetapi kita tunggu-lah kesannya," katanya.

Minggu lalu, beliau mengumumkan keperluan menghapuskan AP terhadap bahan makanan berkuat kuasa serta-merta, sebagai langkah drastik menjamin keselamatan dan bekalan makanan di negara ini.

Sementara itu, Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, usaha rentas kementerian adalah teras dalam usaha pihaknya bagi menangani isu kos sara hidup dan bekalan barang.

"Inti pati ini akan dibentangkan dalam Mesyuarat Kabinet esok seperti diarahkan Perdana Menteri," katanya dalam satu

kenyataan, semalam.

Beliau berkata, mesyuarat hari ini akan menentukan langkah intervensi kerajaan dalam merungkai isu barangan keperluan harian, khususnya bekalan ayam demi memastikan sebarang usaha penyelesaian tidak dilaksanakan secara 'silo' dan tiada kesinambungan.

"Keputusan Jemaah Menteri memansuhkan permit import (AP) memang bertepatan dengan hasrat untuk menjamin kelangsungan bekalan dan memberi kelebihan kepada pengguna.

"Bagaimanapun, pemansuhan AP itu mengambil masa untuk ia memberi kesan positif kepada pengguna kerana ia bergantung kepada berapa cepat proses perolehan dilakukan, pensijilan halal, pemeriksaan kastam dan sebagainya," katanya.



MESYUARAT Kabinet hari ini fokus menangani isu kos sara hidup yang semakin meningkat dan membebankan rakyat terutama golongan berpendapatan rendah. - UTUSAN/MUHAMAD IQBAL ROSLI

“Saya percepatkan mesyuarat Kabinet kerana isu yang banyak sekarang ini, bukan hanya membabitkan ayam, tetapi juga isu membabitkan kos sara hidup yang kita jangka meningkat”

Ismail Sabri Yaakob,
Perdana Menteri



Isu ayam dan harga barang

KPDNHEP, MAFI diarah bentang pelan

Oleh Rohaniza Idris, Zamariah
Abd Mutalib dan Saadiah Ismail
bhnews@bh.com.my

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) serta Kementerian Pertanian dan Industri Makanan (MAFI) diarah mengemukakan pelan mengatasi isu ayam, peningkatan harga barang dan kos sara hidup pada mesyuarat Kabinet hari ini.

Mesyuarat Kabinet yang biasanya diadakan pada setiap Rabu dipercepatkan ke hari ini, khusus bagi mem-

bincangkan isu bekalan bahan mentah, termasuk ayam dan peningkatan harga barang serta kos sara hidup yang membelenggu rakyat.

Arahan itu dibuat Perdana Menteri, Datuk Seri Ismail Sabri Yaakob susulan rungutan dan keresahan rakyat berkaitan pelbagai isu berkaitan makanan asas, termasuk kekurangan bekalan ayam di seluruh negara dan kenaikan harga barangan sejak kebelakangan ini menjejaskan mereka.

Nasional 4

Langkah intervensi kerajaan harus berteraskan rentas kementerian dan keseluruhan kerajaan demi memastikan usaha penyelesaian tidak dilaksanakan secara ‘silo’ dan tanpa kesinambungan”

Alexander Nanta Linggi,
Menteri Perdagangan Dalam Negeri
dan Hal Ehwal Pengguna



'Krisis terburuk dalam tempoh lebih 20 tahun'

Dari Muka 1

Kebanyakan peniaga yang ditemui mendakwa krisis makanan, khususnya bekalan ayam yang dihadapi negara ketika ini adalah yang paling buruk dalam tempoh lebih 20 tahun.

Bercakap kepada media semalam, Perdana Menteri berkata, beliau sudah mengarahkan Menteri KPDNHEP, Datuk Seri Alexander Nanta Linggi dan Menteri MAFL, Datuk Seri Dr Ronald Kiang untuk membentangkan pelan mereka, termasuk perancangan jangka pendek dan panjang bagi menangani masalah berkenaan.

"Saya percepatkan mesyuarat Kabinet kerana isu yang banyak sekarang ini, bukan hanya membabitkan ayam, tetapi juga isu membabitkan kos sara hidup yang kita jangka meningkat.

"Ini masalah global, masalah perang dan sebagainya. Sudahlah ketika pandemik (COVID-19), tidak boleh keluarkan makanan dan bila elok sikit, tiba-tiba perang," katanya pada sidang media selepas merasmikan Simposium Pengantarabangsa Bahasa Melayu di Dewan Bahasa dan Pustaka (DBP) di sini, semalam.

Ismail Sabri menjelaskan, mesyuarat Kabinet hari ini juga

husus untuk mencari jalan bagaimana kerajaan dapat mengimbangi bekalan dan kenaikan harga yang mendadak sejak kebela-kangan ini.

"Kementerian Perdagangan Dalam Negeri dan Hal Ehwal Pengguna akan tumpu kepada isu kenaikan harga secara mendadak ini, manakala Kementerian Pertanian dan Industri Makanan khusus bincangkan bekalan bahan makanan, termasuk ayam," katanya.

Untuk rekod, mesyuarat Kabinet biasanya diadakan pada setiap Rabu, manakala sepanjang sesi persidangan Dewan Rakyat, ia diadakan pada Jumaat.

Ismail Sabri berkata demikian ketika ditanya mengenai isu bekalan ayam yang semakin meruncing di seluruh negara dengan kebanyakan peniaga mendakwa tidak mendapat bekalan, manakala jika ada bekalan yang dihantar, ia jauh lebih kurang berbanding biasa.

Sementara itu, Alexander dalam kenyataannya percaya mesyuarat Kabinet hari ini dapat menentukan langkah intervensi kerajaan dalam menangani isu kekurangan bekalan ayam dan perkara berkaitan.

Beliau berkata, langkah inter-

vensi itu harus berteraskan renjatan Kementerian dan keseluruhan kerajaan demi memastikan sebarang usaha penyelesaian tidak dilaksanakan secara 'silo' dan tanpa kesinambungan.

"Keputusan Jemaah Menteri untuk memansuhkan permit import (AP) juga bertepatan dengan hasrat menjamin kelangsungan bekalan. Mekanisme ini dibuat berteraskan jangkaan pemansuhan AP akan mencetuskan lambakan bekalan dalam pasaran.

"Justeru, ia akan memberi kelebihan kepada pengguna memandang bekalan lebih mudah didapati berbanding keadaan semasa. Daya saing di pasaran bagi barangan keperluan asas juga akan lebih kompetitif dan mencetuskan pengurangan harga," katanya.

Bagaimanapun, beliau berkata, pemansuhan AP akan mengambil masa untuk kesan positif kepada pengguna.

"Hal ini kerana ia bergantung kepada kecepatan proses perolehan dilakukan, pensijilan halal, pemeriksaan kastam dan sebagainya.

"Kita tidak boleh mengambil pendekatan 'tunggu dan lihat' pasca keputusan pemansuhan AP untuk ia memberi kesan pe-

mulihan terhadap aspek perbekalan barangan keperluan harian di pasaran," katanya.

BH dalam laporan muka depannya semalam mendedahkan kekurangan bekalan ayam segar menyebabkan kebanyakan peniaga ayam di beberapa negeri kehabisan stok seawal jam 7 pagi dan terpaksa menutup awal perniagaan mereka.

Di beberapa negeri, peniaga terpaksa mencatu jumlah ayam untuk dijual kepada pelanggan disebabkan masalah sama. Lebih teruk, ada peniaga yang mendakwa terpaksa menutup perniagaan mereka pada Sabtu dan semalam.

Keadaan diburukkan lagi dengan pembelian panik oleh pelanggan disebabkan laporan ugutan kartel industri ternakan ayam didakwa merancang menutup ladang ternakan sejak Sabtu lalu sebagai protes terhadap kerajaan yang dikatakan lambat melakukan bayaran subsidi harga ayam sebanyak 60 sen.

Tinjauan BH kelmarin dan semalam di beberapa pasar di seluruh negara mendapati peniaga ayam tidak lagi mempedulikan pematuhan harga kawalan ayam standard RM8.90 sekilogram yang ditetapkan kerajaan sebe-

lum ini.

Malah, di kebanyakan pasar, ayam segar dijual pada harga sehingga RM12 sekilogram, malah ada yang menjual pada harga RM15 sekilogram, jauh lebih tinggi berbanding harga kawalan.

Rata-rata pembeli dan pengguna yang ditemui kecewa dengan kerajaan kerana gagal mengawal harga barangan makanan asas, termasuk ayam dan gandum selain tidak fiapat memastikan bekalan mencukupi untuk kegunaan harian.

Mengenai kenaikan harga barangan makanan, Ismail Sabri menjelaskan, ia antara lain disebabkan peperangan Russia-Ukraine yang mengakibatkan bekalan gandum dunia terjejas teruk kerana satu pertiga pengeluaran gandum dunia adalah dari dua negara itu.

"Beberapa negara pula menyekat eksport gandum kerana mengutamakan bekalan untuk diri sendiri. Jadi, jika mengikut teori ekonomi, apabila permintaan melebihi penawaran, sudah tentu harga meningkat," katanya.

Bank Dunia baru-baru ini meramalkan harga gandum boleh meningkat lebih 40 peratus tahun ini berikutan krisis Russia-Ukraine.

Kerajaan kaji mansuh AP barang keperluan lain: PM

Kuala Lumpur: Kerajaan sedang mengkaji memansuhkan kelulusan permit import (AP) bagi beberapa barang lain selepas pemansuhan keperluan itu terhadap bahan makanan berkuat kuasa serta-merta pada Rabu lalu.

Perdana Menteri, Datuk Seri Ismail Sabri Yaakob, berkata langkah itu diharap dapat mengurangkan tekanan terhadap bekalan dan harga barangan.

"Sekurang-kurangnya dengan pemansuhan AP ini dapat mengurangkan tekanan terhadap bekalan barangan dan apabila banyak pihak yang

terbabit (mengimport), harga boleh dikurangkan," katanya selepas merasmikan Simposium Pengantarabangsaan Bahasa Melayu di Dewan Bahasa dan Pustaka (DBP) di sini, semalam.

Rabu lalu, Perdana Menteri mengumumkan mesyuarat Kabinet yang dipengeruskannya bersetuju memansuhkan AP bagi bahan makanan untuk memastikan bekalan keperluan itu mencukupi.

Beliau berkata, dengan pemansuhan berkenaan sahaja boleh mengimport makanan ke negara ini sebagai antara usaha menangani isu keselamatan makanan.



PM percepatkan mesyuarat kabinet

Bagi bincang kenaikan harga barang dan kekurangan bekalan makanan seperti ayam

Oleh MOHAMMAD KHAIRIL ASHRAF MOHD KHALID

KUALA LUMPUR

Mesyuarat kabinet yang biasanya diadakan pada Rabu diawalkan ke Isnin bagi membincangkan dua isu membabitkan kenaikan harga barang dan kekurangan bekalan makanan seperti ayam.

Perdana Menteri, Datuk Seri Ismail Sabri Yaakob berkata, pihaknya telah meminta Kementerian Perdagangan Dalam Negeri dan Hal Ehwal Pengguna (KPDNHEP) dan Kementerian Pertanian dan Industri Makanan (MAFI) untuk membentangkan mengenai perkara terbabit.

"Esok (Isnin) dua kementerian ini akan membentangkan apakah perancangan jangka pendek dan perancangan jangka panjang," katanya pada sidang akhbar di sini pada Ahad.

Sebelum ini, media melaporkan bahawa berlakunya masalah kekurangan bekalan ayam segar susulan kehabisan stok.

Selain itu, turut dilaporkan



FOTO: BERNAMA

Mesyuarat kabinet dipercepatkan ke Isnin bagi membincangkan dua isu membabitkan kenaikan harga barang dan kekurangan bekalan makanan seperti ayam.

harga semua barangan keperluan dijangka meningkat sehingga 60 peratus pada Jun depan.

Jelas Ismail Sabri, dua isu ini berlaku disebabkan fenomena global yang berlaku seperti perang melibatkan Rusia dan Ukraine.

"Penawaran kepada bahan makanan mungkin terjejas teruk kerana (kekurangan bekalan) gandum ini, 1/3 daripada pengeluaran dunia dikeluarkan oleh Rusia dan Ukraine.

"Saya difahamkan ada beberapa negara telah menyekat eksport gandum daripada negara mereka untuk kegunaan mereka sendiri. Jadi, kalau dari segi teori

ekonomi permintaan melebihi daripada penawaran, tentu sahaja harga akan meningkat," ujarnya.

Dalam pada itu, Ismail Sabri berkata, kerajaan sedang mengkaji bagi melihat lebih banyak lesen import (AP) selain makanan untuk dihapuskan.

"Banyak lagi AP-AP lain kita akan tengok, bukan setakat makanan sahaja. Kita harap, bila AP dihapuskan, sekurangnya boleh mengurangkan tekanan dari segi kekurangan bekalan barangan.

"Yang keduanya, kalau banyak pihak yang terlibat, mungkin harga pun boleh dikurangkan," jelas beliau.

Mesyuarat khas Kabinet bincang isu bekalan ayam, kos sara hidup hari ini

PERDANA Menteri, Datuk Seri Ismail Sabri Yaakob meminta agar mesyuarat Kabinet dipercepatkan ke hari ini bagi membincangkan pelbagai isu berkenaan kos sara hidup termasuk melibatkan bekalan gandum dan ayam di pasaran.

• BERITA DI MUKA 4



MAFI, KPDNHEP diminta bentang pelan bagi mengatasi beban dihadapi rakyat

Kabinet bincang kos sara hidup, ayam

Oleh HARRITH HISHAM

KUALA LUMPUR - Kos sara hidup dan bekalan barang termasuk ayam akan menjadi fokus utama yang akan dibincangkan dalam mesyuarat Kabinet khas pada hari ini.

Perdana Menteri, Datuk Seri Ismail Sabri Yaakob berkata, beliau telah meminta agar mesyuarat itu dipercepatkan supaya isu besar itu dapat ditangani segera.

Menurutnya, penawaran bahan makanan ketika ini terjejas teruk antaranya gandum kerana satu pertiga bekalan dikeluarkan dari Rusia dan Ukraine termasuk sekatan eksport untuk kegunaan mereka.

"Jadi daripada teori ekonomi, jika permintaan lebih tinggi daripada penawaran, tentu harga akan meningkat dan mencetuskan inflasi.

"Jadi esok (hari ini), saya akan panggil mesyuarat Kabinet khusus bagaimana bendak kita mengimbangi kenaikan kos sara hidup dan bekalan ayam," katanya.



ISMAIL SABRI ketika meninjau jualan ayam segar di sebuah pasar di Putrajaya baru-baru ini.

Beliau berkata demikian pada sidang akhbar selepas Majlis Perasmian Simposium Peng-

tarabangsaan Bahasa Melayu di Balai Budaya Tun Syed Nasir, Dewan Bahasa dan Pustaka (DBP) di

sini semalam.

Ismail Sabri berkata, kerajaan turut meminta Kementerian

Pertanian dan Industri Makanan (MAFI) dan Kementerian Perdagangan Dalam Negeri dan Hal Ehwal Pengguna (KPDNHEP) untuk membentangkan pelan jangka pendek dan panjang bagi mengimbangi perkara tersebut.

Dalam pada itu, Ismail Sabri memaklumkan kerajaan sedang mengkaji untuk menghapuskan lebih banyak lesen import (AP) selain makanan bagi mengurangkan tekanan akibat kekurangan bekalan.

"Saya dah umumkan AP dihapuskan dan kini melihat kemungkinan lebih banyak AP sedang dikaji untuk dihapuskan.

"Kita berharap apabila AP dihapuskan, sekurang-kurangnya dapat mengurangkan tekanan daripada kekurangan bekalan," katanya.

Terdahulu, Ismail Sabri mengumumkan menghapuskan AP terhadap bahan makanan berkuat kuasa pada 18 Mei lalu sebagai langkah drastik menjamin keselamatan dan bekalan makanan negara.

• **BEKALAN AYAM**
SEMAKIN MERUNCING

• **TAMBANG E-HAILING**
NAIK MENCANAK

• **TEPUNG GANDUM**
KURANG DI PASARAN

BINCANG ISU KESELAMATAN MAKANAN

KERAJAAN MESYUARAT 'TERGEMPAR'

Menyedari isu kenaikan harga barang terutama makanan semakin mencengkam rakyat, kerajaan mengadakan mesyuarat Kabinet hari ini berbanding lazimnya pada Rabu. Perancangan jangka pendek dan panjang dijangka dibentangkan bagi mengelak tercetus krisis lebih serius.

Awalkan mesyuarat Kabinet ke hari ini

Kuala Lumpur: Mesyuarat Kabinet akan diawalkan ke hari ini bagi membincangkan isu peningkatan kos sara hidup dan penawaran bahan makanan, kata Perdana Menteri Datuk Seri Ismail Sabri Yaakob.

Beliau berkata, Kementerian Perdagangan Dalam Negeri dan Hal Ehwal Pengguna (KPDNHEP) serta Kementerian Pertanian dan Industri Makanan (Mafi), masing-masing akan membentangkan laporan berkaitan isu itu termasuk perancangan jangka pendek dan panjang mengatasinya.

"Jadi esok, Isnin, saya panggil mesyuarat kabinet untuk melihat khusus dari segi bagaimana kita hendak mengimbangi kenaikan harga barang yang mendadak ini dan saya minta KPDNHEP untuk membentangkannya.

"Begitu juga dengan makanan, *supply* makanan termasuk ayam, Mafi perlu membentangkannya," katanya dalam sidang media selepas merasmikan Simposium Pengantarabangsa Baha-



ISMAIL Sabri

sa Melayu di Wisma Dewan Bahasa dan Pustaka (DBP) di sini, semalam.

Ismail Sabri berkata, kos sara hidup yang dijangka meningkat adalah fenomena global, antaranya berikutan konflik Rusia-Ukraine serta pandemik Covid-19 sebelum ini yang turut menjejaskan pengeluaran bahan dan hasil makanan.

Sementara itu, perdana menteri berkata, selain permit import (AP) untuk bahan makanan, kerajaan juga sedang mengkaji pemansuhan AP lain bagi mengurangkan tekanan kekurangan barangan lain.

Ketengahkan usaha rentas kementerian

Kuala Lumpur: Isu bekalan ayam antara topik akan dibincangkan dalam Mesyuarat Kabinet yang dipercepatkan ke hari ini.

Menteri Perdagangan Dalam Negeri dan Hal Ehwal Pengguna (KPDNHEP) Datuk Seri Alexander Nanta Linggi berkata, mesyuarat berkenaan bakal menentukan langkah intervensi kerajaan dalam merungkai isu barangan keperluan harian khususnya ayam.

"Langkah intervensi itu harus berteraskan rentas kementerian dan keseluruhan kerajaan demi memastikan sebarang usaha penyelesaian tidak dilaksanakan secara silo atau bekerja dalam komuniti sendiri serta tiada kesinambungan.

"Usaha rentas kementerian akan diketengahkan dalam mesyuarat berkenaan yang mana bakal mencakupi beberapa aspek asas di bawah kawal selia kementerian terbabit," katanya dalam satu kenyataan, semalam.

Alexander berkata, keputusan memansuhkan permit import (AP) adalah ber-

tepatan hasrat menjamin kelangsungan bekalan namun ia memakan masa untuk dilaksanakan menyebabkan kerajaan tidak boleh mengambil pendekatan 'tunggu dan lihat' pasca keputusan pemansuhan AP untuk memberi kesan pemulihan terhadap aspek perbekalan barangan keperluan harian di pasaran.

Katanya, pemansuhan AP mengambil masa untuk memberi kesan positif kepada pengguna berikutan perlu melalui proses perolehan, pensijilan halal, pemeriksaan kastam dan sebagainya.

Bagaimanapun, katanya, pemansuhan AP kelak akan mencetuskan lambakan bahan bekalan di pasaran, sekali gus memberi kelebihan kepada pengguna memandangkan bekalan lebih mudah didapati berbanding keadaan semasa.

Menurutnya, daya saing di pasaran juga akan lebih kompetitif selain mencetuskan pengurangan harga mengikut kuantum tertentu bergantung kepada aspek kualiti dan pembungkusan.

Searching for solutions

The Cabinet will meet today to find ways to lower the prices of essential foodstuffs and bring the supply of chicken under control. Industries and consumer groups are now calling for more Approved Permits and red tape to be abolished and better agricultural policies be put in place to buffer food supply shocks.

> See reports on pages 6 and 9 by RAGANANTHINI VETHASALAM, DIYANA PFORDTEN and ALIZA SHAH



Cabinet to discuss high cost of living, chicken supply

PETALING JAYA: The Cabinet meeting today on the rising prices of essential goods and the chicken supply issue will also look into measures to reduce the high cost of food.

Prime Minister Datuk Seri Ismail Sabri Yaakob said the meeting had been brought forward to today from the usual Wednesdays to allow for discussions on both issues of growing concern.

Both the Domestic Trade and Consumer Affairs Ministry and the

Agriculture and Food Industries Ministry, he added, had been instructed to give a presentation on their short-term and long-term plans to mitigate the rising costs and supply issues.

"We will not only focus on the issue of chicken supply but we will also look at the two things.

"One is our cost of living which we predict will increase. This is a global phenomenon due to the war (Russia-Ukraine).

"Both countries produce one-

third of the world's wheat and I was also informed that some countries have halted their exports for their own use. So, looking at economic theory, if we have more demand than supply, the price of goods will increase.

"During the Cabinet meeting, we will specifically look at means to mitigate the rising prices of goods. We have asked the Domestic Trade and Consumer Affairs Ministry to present on this as well as on the chicken supply.

"Both ministries will present short-term and long-term plans because if the war continues, it will leave behind long-term effects," he told reporters after launching the International Symposium on Bahasa Melayu at Wisma Dewan Bahasa dan Pustaka yesterday.

The government, said Ismail Sabri, would also look at abolishing other Approved Permits (APs) to address the issues of food supply and prices.

"I have abolished the AP (for the

import of foodstuffs). So, maybe we will look into the other APs as well," he added.

On May 20, Ismail Sabri announced that the government had agreed not to impose APs on the import of foodstuffs with immediate effect.

Watch the video
[TheStarTV.com](https://www.thestar.com)



Prices of chicken dishes may go up

Restaurants will be severely impacted if supply issue prolongs

PETALING JAYA: If left unresolved, the prolonged issue of chicken supply and costs may leave eateries with no choice but to increase the prices of dishes with chicken, say restaurants.

Malaysian Indian Restaurant Owners Association vice-president C. Krishnan said people often relied on chicken-based meals for their daily consumption as it was cheaper compared to other meats or seafood.

He said besides restaurants, the public might also be significantly affected if chicken supply and its cost continue to increase as it was always in high demand.

"Almost 80% of the protein served in most restaurants are either egg or chicken and we may eat chicken four to five days a week. Sometimes, we can even eat chicken three times a day," he said.

Krishnan said he was now buy-

ing chicken for between RM9.80 and RM10.50 per kg despite a ceiling price of RM8.90 and had been facing issues getting supply for over a week, often needing to go to several supermarkets for his daily requirements.

"I usually order 25 to 30 whole chickens but my regular supplier can only supply 10 birds a day now," he said, adding that the shortage in supply and rising prices might affect the price of meals.

"A plate of mee goreng or nasi goreng can either get more expensive or go without chicken meat," he said, adding that the increasing costs of other essential items, such as vegetable and flour, would also impact food prices.

Rotol Group founder and managing director Datuk Seri Garry Chua, who owns various restaurant chains, said currently, there was no serious shortage of chicken supply

but cautioned that many restaurants would be impacted should this situation worsen.

Many restaurants ranging from fast-food chains to high-end restaurants, he explained, used a lot of chicken-based products.

"If there really is a serious shortage, the sales of major restaurants and fast-food chains will be severely impacted," he said, adding that currently, restaurants were still absorbing the costs of fluctuating raw food prices.

"However, should it reach an unbearable stage, then price adjustments may need to be made," said Chua, who agreed with the government's move not to impose Approved Permits (AP) on the importation of foodstuff, especially when there is a shortage in local supply.

Malaysian Muslim Restaurant Owners Association (Presma) presi-

dent Datuk Jawahar Ali Taib Khan said despite increasing costs, his restaurants would maintain the food prices.

"We have not been increasing prices since 2018 and will try to maintain our prices and quality of service," he said.

On the chicken supply shortage, Jawahar said his restaurants had been receiving unusually smaller pieces of the meat in the past two days.

"We cannot sell chicken at the same prices we usually do," he said.

He suggested that the Domestic Trade and Consumer Affairs Ministry extend the Price Control and Anti-Profitteering Act to hypermarkets and wholesale markets to identify and monitor the price increases of chicken and other essential items.

Johor bakery, biscuit, confectionery, mee and kuay teow merchants

association president Chink Poh Cheng described the rising cost of raw materials, energy and manpower as a "headache" that traders would have to face.

On Thursday, it was reported that Kuala Lumpur, Selangor, Negri Sembilan, Kedah and Perlis were expected to be hit with the shortage of chicken supply following the closure of a livestock farm over the weekend.

The poultry producer said it had to stop supplying chickens due to the chickens' inability to reach the supposed weight for its marketability.

Investigations carried out by Domestic Trade and Consumer Affairs Ministry and the Agriculture and Food Industries Ministry found that the chickens were suffering due to the lack of food supply besides being infected with diseases.

AP abolition to stabilise food supply, says Nanta

PUTRAJAYA: The abolition of approved permits (AP) for food products is in line with the government's desire to ensure continuity in supplies, said Domestic Trade and Consumer Affairs Minister Datuk Seri Alexander Nanta Linggi.

He said it is also expected to create excess supplies in the market that would benefit consumers as food products would be easily available compared with the current situation.

He added that the market for basic necessities would be more competitive and this is expected to trigger a drop in prices, depending on the quality and packaging of products.

Last Wednesday, Prime Minister Datuk Seri Ismail Sabri Yaakob said the government agreed not to impose AP for the import of foodstuff with immediate effect, to ensure sufficient food supply in the country.

He said it would take some time for the AP abolition to have a positive impact on consumers as it depended on several factors such as the procurement process, halal certification and customs inspection.

Nanta welcomed the Cabinet meeting scheduled for today as it would determine the government's intervention measures in resolving the issue over daily necessities, especially chicken.

He said the intervention should take a cross-ministry and whole of government approach to ensure that efforts to solve the problem are not implemented in silos and with no continuity.

Earlier, Ismail Sabri announced that the Cabinet meeting today would discuss the issue of rising cost of living and food supply.

- Bernama

Kesan dapat dilihat dalam dua hingga 3 minggu lagi

Tindakan diambil kerajaan bagi tangani masalah bekalan ayam

Oleh Saadiah Ismail dan Nazdy Harun
bhnews@bh.com.my

Kuala Berang: Kesan daripada tindakan pemansuhan permit import (AP) untuk bahan makanan oleh kerajaan yang berkuat kuasa Rabu lalu, dijangka dapat dilihat dalam tempoh dua hingga tiga minggu lagi.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid, berkata tindakan itu sebahagian daripada pelbagai kaedah diambil kerajaan bagi mengatasi masalah berkaitan bekalan ayam, yang antara lain

untuk mengelak berlakunya manipulasi dalam pasaran.

Justeru, beliau berkata, kerajaan membuka peluang kepada semua lapisan yang berminat dalam bidang ternakan ayam ini keputusan pemansuhan AP dibuat.

Bagaimanapun, katanya, calon berminat menyertai industri berkenaan perlulah memenuhi syarat ditetapkan, termasuk mempunyai modal, selain tenaga kerja terlatih yang mendapat kursus untuk penyembelhan.

"Kita (KPDNHEP) dan Kementerian Pertanian dan Industri Makanan (MAFI) menjalin kerjasama erat dalam memastikan bekalan ayam mencukupi bagi keperluan pengguna.

"Kita tidak menolak kekurangan bekalan mungkin berlaku, namun pemantauan ketat secara berterusan sedang dilakukan," katanya ketika ditemui pada Sambutan Hari Raya Perikatan Nasional (PN) Peringkat Hulu Terengganu di Dewan Maj-



lis Daerah Hulu Terengganu, di sini, semalam.

Rabu lalu, Perdana Menteri, Datuk Seri Ismail Sabri Yaakob memaklumkan kerajaan bersejua memansuhkan keperluan AP terhadap bahan makanan berkuat kuasa serta-merta dan keputusan dibuat pada mesyuarat Kabinet dipengerusikannya itu bertujuan memastikan bekalan makanan negara mencukupi.

Mengulas kononnya penternak melakukan mogok sebagai

antara punca berlaku krisis bekalan ayam kini, Rosol berkata, isu itu tidak timbul walaupun tuntutan untuk mendapatkan subsidi oleh penternak tidak menjadi kenyataan.

Berhubung tindakan peniaga yang mengenakan upah pemotongan ayam, beliau menasihati mereka supaya kadar harga diletakkan munasabah dan perlu mendapat persetujuan pembeli sebelum kerja memotong ayam dilakukan.

Dalam pada itu, Gabungan Persatuan-Persatuan Pengguna Malaysia (FOMCA) mencadangkan kerajaan memansuhkan AP bukan saja ke atas bekalan makanan, tetapi membabitkan semua perkara yang berkepentingan kepada rakyat.

Presidennya, Prof Datuk Dr N Marimuthu berkata, dalam suasana kos kelangsungan hidup tinggi, kerajaan harus faham dan tindakan segera perlu dilaksanakan, bukan lagi tarik tali dengan rakyat.

Kajang: Isu kekurangan bekalan tepung gandum masih belum menemui jalan penyelesaian apabila bekalan itu sukar didapati di kebanyakan kedai serbaneka dan runcit.

Tinjauan wartawan Harian Metro di beberapa kedai serbaneka di sekitar daerah ini mendapati premis berkenaan tidak mempunyai stok tepung gandum untuk dijual.

Seorang pekerja kedai serbaneka yang enggan dikenali berkata, bekalan tepung gandum sudah tidak diterima pihaknya sejak seminggu lalu.

"Sudah seminggu bekalan tepung gandum tiada dijual kerana tiada stok. Kami sudah membuat tempahan, tetapi belum ada bekalan diterima."

"Ada ramai pelanggan yang tanya namun kita terpaksa memaklumkan tiada bekalan. Masalah ini sudah berlarutan lebih seminggu lalu," katanya ketika ditemui, semalam.

Seorang lagi pekerja kedai serbaneka yang turut tidak mahu dikenali, memaklum-



KEBANYAKAN kedai runcit, serbaneka akui kekurangan bekalan tepung sejak tiga hari lalu.

Dah seminggu tiada stok tepung

kan pihaknya kekurangan bekalan bahan mentah itu sejak tiga hari lalu.

"Kami juga sudah membuat tempahan kepada

pembekal namun belum menerima bekalan.

"Ramai juga pelanggan yang maklumkan kesukaran mereka mencari tepung



Saya tidak berdepan dengan masalah kekurangan bekalan memandangkan ia dijual dalam skala yang kecil"

**Muhammad Resai
K S M Syeikh Abd Kadir**

gandum kerana banyak premis tiada bekalan," katanya.

Sementara itu, seorang pemilik kedai runcit, Muhammad Resai K S M Syeikh Abd Kadir, 47, berkata, dia tidak berdepan dengan masalah kekurangan bekalan memandangkan ia dijual dalam skala yang kecil.

"Saya menempah bekalan tepung gandum sebanyak dua kotak bagi tempoh kira-kira dua minggu. Setakat ini, saya tidak berdepan masalah kekurangan bekalan tepung gandum."

"Cuma ada juga pelanggan yang maklumkan sukar mendapatkan tepung gandum terutama dalam tempoh beberapa minggu lalu," katanya.

Jangan risau, tepung gandum masih ada



ANALISIS
MUKA 16

ASLAM HUSAINI MALIK
FAIZAL

“**D**engan keadaan sekarang, RM50 boleh beli apa? Harga sarapan pagi seperti kuih donut, tepung pelita, kuih lapis dan lain-lain pun dah cecah sehingga 50 sen satu jenis!” Kalau lima tahun lepas, satu plastik dah boleh beli macam-macam tapi sekarang nak dapat tiga empat barang bersamaan RM50 pun susah.

Apa dah jadi ni? Bukan itu sahaja, barangan asas terutama tepung gandum pun dikatakan dah habis.

Bahan serbaguna ini bukan sahaja digurikan dalam pembuatan kek dan biskut, tetapi juga makanan lain seperti cucur, lempeng dan kuih-muih. Ia boleh digunakan untuk menghilangkan bau hamis pada ayam dan daging.

Sejak berlaku peperangan antara Rusia-Ukraine, bekalan gandum daripada negara terbabit dihentikan serta-merta untuk proses pengeksportan ke seluruh negara termasuk Malaysia.

Negara tersebut merupakan pengeluar gandum terbesar yang membekalkan hampir satu per tiga daripada perdagangan gandum dunia.

Bagaimanapun, kedua-dua negara yang sedang bergolok serta krisis pertelingkahan politik mengundang kepada ketidakcukupan sumber bekalan makanan dunia.

Malah, negara India turut menghentikan eksport gandum

berkuatkuasa bermula 13 Mei lalu dalam usaha meningkatkan keselamatan bekalan makanan kepada penduduk mereka.

Adakah Malaysia masih mempunyai sinar dalam membekalkan gandum? Ya! Menurut Kementerian Perdagangan Dalam Negeri dan Hal Ehwal Pengguna (KPDNHEP), negara kita mengimport sekurang-kurangnya 80 peratus biji gandum dari Australia dan selebihnya dari Amerika Syarikat, Kanada dan Ukraine.

“Justeru larangan India mengeksport gandum susulan gelombang haba akibat cuaca panas terik tidak menjejaskan bekalan tepung gandum negara,” menurut KPDNHEP dalam ciapan di Twitter pada Selasa lepas.

Tambahan pula, kekurangan bekalan tepung gandum di pasaran tempatan yang terjejas ketika ini disebabkan jenama tertentu yang mendapat permintaan luar biasa dek perayaan Hari Raya Aidilfitri baru-baru ini dan bukan disebabkan tindakan India menyekat eksport gandum ke pasaran global.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, negara hanya mengimport 15 peratus bekalan gandum dari India, Amerika Syarikat dan Ukraine manakala selebihnya adalah dari Australia.

“Kalau ada gangguan bekalan mungkin sebab permintaan tinggi bagi sesuatu jenama dan disebabkan itu ia cepat habis.

“Buat masa ini, kita tidak kesan lagi kekurangan gandum di pasaran, kita tidak terima aduan secara langsung kepada KPDNHEP,” katanya.

Selain itu, baru-baru ini, Pasaraya Econsave mengalami kekurangan

antara 20 hingga 30 peratus bekalan tepung gandum bersubsidi di semua 87 cawangannya seluruh negara.

Pengurus Besar Econsave, Mas Imran Adam berkata, kekurangan tersebut disebabkan pembekal tidak dapat menghantar bekalan secukupnya disebabkan cuti panjang sempena Hari Raya Aidilfitri tahun ini.

“Pembekal juga mengalami masalah ketiadaan bekalan tepung gandum sejak awal Mei lalu dan negara kita tidak mengimport tepung dari India namun bekalan tepung gandum terjejas.

“Kita mengimport bekalan tepung gandum kira-kira 80 peratus dari Australia dan hanya sedikit dari Ukraine, sepatutnya kita tidak mempunyai masalah dengan bekalan tepung gandum,” ujarnya.

Jelasnya, setakat ini hanya terdapat bekalan untuk tepung gandum tidak bersubsidi di pasar raya tersebut dengan harga RM3.05 satu paket sementara jenama tepung gandum bersubsidi makin sukar diperolehi.

Penulis berharap agar rakyat Malaysia kekal bertenang kerana bekalan gandum masih mencukupi walaupun banyak negara terpaksa menyekat pengeluarannya.

Pihak peniaga juga tidak wajar bersikap terlalu kapitalis dalam menjual barangan asas terutama tepung gandum dengan mengenakan harga yang melampau.

Janganlah tambah beban sesudah terjejas akibat pandemik Covid 19 selama dua tahun, musibah banjir besar tahun lepas dan kini krisis kenaikan harga barang yang makin meruncing ketika ini.

* Aslam Husaini Malik Faizal ialah Pembantu Penerbit Digital Sinar Harian

Senarai Harga Barang Keperluan							
• Ayam	RM6.99	• Telur Cred A	RM12.45	• Gula Pasir	RM2.85	• Cili Merah	RM8.99
• Daging Lembu Tempatan	RM38	• Ikan Kembung	RM10	• Bawang Besar Holland	RM2.49	• Kubis Bulat Tempatan	RM3.99
• Daging Lembu Import	RM28	• Minyak Masak	RM6.35	• Bawang Putih	RM4.99	• Tepung Gandum	RM2.30

*Harga (RM/kg) Sumber: KPDNHEP